



UKA 2022/125

28/9-2022

Jens-Frederik Nielsen

**Uunga siunnersuut: Mittarfeqarfiiit A/S pillugu Inatsisartut inatsisaat**

(Ineqarnermut Attaveqaqatigiinnermullu Naalakkersuisoq)

(Siullermeerneqarnera)

Naak maannakkut Naalakkersuisooqataasuniit akerlilersuineq annertugaluaqisoq maannakkut Nuummi Ilulissani aammalu Qaqortumi nunap immikkoortuani qujanartumik mittarfissualiorlerluta ingerlarsuleruttorpugut.

Tamanna Demokraatiniit nuannaarutigingaarpalput, nunatsinnut minnerunngitsumillu takornariaqarnitsinnut ineriertornissamut ingerlarsornissamullu tunngavissiissammat. Nunarsuup sinneranut angalanissamuttaaq ajornannginnerulersitsissammat innuttaasunut iluaqutaangaassaat.

Mittarfiliortoqarnissaanut aalajangersimanerput manna silaannakkut angallannermut tunngassutilinnik pisortat ingerlatseqatigiiffiinik pilersitsisimanitsinnut kinguneqarpoq. Tamanna pitsaanerpaaajunngilaq. Nunani soorli Island, Finland aamma Norge-mi silaannakkut angallannermi ingerlatsineq suliffeqarfimmi ataatsimi katersuuffiuvoq. Tamanna inuiaqatigiinnut ingerlatseqatigiiffinnullu oqilisaataasumik ingerlavvoq. Maani nunatsinni assinganik iliornissamut isumassatsialaavoq, taamaasilluta Mittarfeqarfiiit Kalaallit Airports Holding A/S-mut suliffeqarfiusinngortillugu.

Maluginiarparattaaq Kalaalli Airports Holding A/S siunnersuut ilaleraat, qajarutissaavoq, taasumammi siunissami Mittarfeqarfiiit A/S peqatigilerumaarmagu.

Sulisitsisut aamma siunnersuummut ilaliipput – immikkullu pissutsit piviusut aallaavigalugit tassa, siunissami silaannakkut agallannerup ingerlanneqarnerata professionaliusumik siulersuisoqarnikkut qullerpaaniit aqunneqalissammat. Immikkut eqqaaneqartoq taanna Demokraatiniit isumaqatigilluinnarpalput.

Taaku tunngavigalugit Demokraatit siunnersuummut ilaliipput, kisianni qularutigineqassanngilaq immikkut soqutigisalinnit arlaliusunit una siunnersuut immikkulliarissumik ilusilersugaavoq. Taamaattumik maannamiit ataatsimiitsitaliami misissueqqissaartumik siunnersummik suliarinninnissaq, piffissallu sivikitsup iluani iluarsiisarnissanut pingaaruueqarluinnarpoq.

Taamatut oqaaseqarluta Sanaartornermut Ataatsimiitsitaliamut suliareqqinnejarnissaa innersuussutigaarpalput.